

Item es sall auch keyns meisters frawe, die an iren eren beruechtigt were, gehen zcu den andern frawen zcu irer samlunge. Item es sal nymant einer dem andern sein gesinde abspenen nach auch widder des andern willen nicht halden bei II pfunt wachs. Item wenne ymant vß dem hantwerke vorstorbe vnd mit tode abginge, so sal man der leych zeur kirche vnd widder heym zeubegrabenn vigilien selmessen vnd zeubegengniß noch volgen bei bussen eyns pfunt wachs. Item ein iezlich meister sal ein itzliche wichfaste geben II gr. vnde I geselle I gr. ader der meister selbir. Item ap ein geselle lagerhafftig vnd krank wurde, dem sal man uß der buchssen leihen das er zeumotturfft habe, das sal er widder bezalen so er frisch wirt, adder sich des widder irholen an seinen cleydern ader frunden. Item so ein meister deme hantwerke zcu eyme furweser gekoren wert, der sall es nicht abslahen adder widdersprechen bei eyme pfunt wachs. Item der meister sall bestellen die kertzen zeutragen vff des hiligen waren liehnamstag vnd das lon uß der buchsse nemen. Item so der meister nach den andern des hantwercks ader eyme allein sendit in des hantwerkes sachen ader geschefften, sal eyn itzlicher vnfurhindert zcu im kommen bei ʒ pfunt wachs. Item es sall nymant den andern in samlungen logen straffen noch mißhandeln in keinweiß bei I pfunt wachs. Item die meister des hantwerkes sollen alle iar ein mall vff sant Michaelis marekt loesen vmbe die stete vff dem marekt vnd in iarmerkten zeustehen. Item es sall kein meister fraw ader gesinde noch nymant dem andern seine kaufflewte von seiner bude zcu sich rufen ader zeihen bey I pfunt wachs.

Die obgeschriben punckte vnd artickell sint furwilligt durch alle drey rete biß vff widderruffen des rats vnd woln die von meistern gesellen vnd eyme itzlichen des hantwerkes so obingemeldit ist gehalten haben bei den obgnanten pen vnd bussen vngeuerlichen. Actum sub Hansen Trupitz proconsule et suis consulibus anno et die quibus supra.

Nach dem Rathsbuch fol. 73^b im Archiv des K. Bezirksgerichts zu Leipzig.

No. 437. 1469. Michaelismarkt.

Veranstaltungen der drei Rätze zu Verhütung des Handels mit gefälschten Gewürzen.

Zeumerken das alle drey rete vf den marekt Michaelis anno 1c. LX nono eynß worden sein vnd beschlossen haben, nuhinforder vff alle vnd igliche merckte zeukunfftiglich ein vlissigs vff sehen zeuhaben, das von keyme kauffmann gefelscht gut vorkaufft ader feyll gehalten werden solle, vnd furauß die mit saffran ingeber vnd andern wurtzen, die man betriglich machen kont, vmbegehen vnd zeuhandeln pflegen, vnnd haben darumb geordent vnd gesatzt Fritzen Pfister, Lamprechten von Kronenberg vnnd Hansen Feuchtwangern uß den reten neben vnd mit den andern kramern in der stat gesessen, in den selben merkten vmbe zeugehen vnd zeuzusehen, das kauffmans gut weherunge feyl gehalten vnd vorkaufft werde, alß es denn dieselbenn wol wissen vnd kennen; des gleichen wage vnd gewichte glich zeuhalten. Die denne